

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 974970 22 I
Sarajevo , 02.07.2025. godine

OPĆINSKI SUD U SARAJEVU, sudija Diana Dočkal, u izvršnom postupku tražioca izvršenja E.DŽ. iz Sarajeva, zastupan po Asifu Plećanu, advokatu iz Sarajeva, protiv izvršenika M.T. iz Sarajeva, Omar Mehmedbašiću, advokatu iz Sarajeva, radi naplate novčanog potraživanja u iznosu od 10.000,00 KM, izvršenjem na pokretnim stvarima, dana 02.07.2025. godine, na osnovu člana 126. i 130., a u vezi sa članovima 135., 82., 87., 88. i 89. Zakona o izvršnom postupku ("Službene novine Federacije Bosne i Hercegovine", broj 32/03, 52/03, 33/06, 39/06, 39/09, 35/12, 46/12 i 42/18, u daljem tekstu: ZIP) donosi slijedeći;

Z A K L J U Č A K
o prodaji pokretnih stvari

ODREĐUJE SE PRVO ROČIŠTE za prodaju pokretnih stvari izvršenika M.T., a koje se nalaze na adresi ulica NOVA CESTA DO BROJA 54 Sarajevo, putem usmenog i javnog nadmetanja i to:

- | | | |
|---|--------------------------|-----------|
| 1. TV komoda niska /bijelo-smeđa sa policom | procijenjene vrijednosti | 100,00 KM |
| 2. TV Led – LG ekran 43 inča crne boje | procijenjene vrijednosti | 150,00 KM |
| 3. Klub stol bijele boje | procijenjene vrijednosti | 50,00 KM |

Zaključno sa rednim brojem 3 (TRI)

ZA DAN PETAK, 08.08.2025. GODINE U 09,00 SATI
KOJA ĆE SE ODRŽATI U ZGRADI OPĆINSKOG SUDA U SARAJEVU UL.
ŠENOINA BR. 1, SOBA BROJ 454/IV – SLUŽBA SUDSKIH IZVRŠITELJA

1. Rješenjem o izvršenju Općinskog suda u Sarajevu broj gornji od dana 15.07.2022 godine određeno je izvršenje pljenidbom, procjenom i prodajom pokretnih stvari izvršenika.

2. Konstatuje se da je sudski izvršni organ obavio pljenidbu pokretnih stvari izvršenika o čemu je sastavljen Zapisnik broj gornji od 22.04.2024.godinE. Zaplijenjene pokretne stvari su ostavljene na čuvanje izvršeniku uz zabranu za dalje raspolaganje.

3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4. Sud će u smislu člana 77 ZIP-a, a u vezi sa članom 135 ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi 8 dana prije održavanja ročišta.

5. Na prvom ročištu za prodaju pokretnih stvari putem usmenog i javnog nadmetanja pokretne stvari se ne mogu prodati ispod 1/2 /jedne polovine/ od procijenjene vrijednosti.

Ako se pokretne stvari ne prodaju prilikom prvog javnog nadmetanja, odnosno na prvom ročištu Sud će na prijedlog stranaka, odnosno zahtjev tražioca izvršenja koji se može podnijeti u roku od 8 / osam / dana od dana održavanja neuspjelog ročišta zakazati drugo ročište na kojem se pokretne stvari koje su predmet prodaje mogu prodati bez ograničenja, a u pogledu iznosa njihove cijene.

6. Sud će obustaviti postupak ako stranka ne predloži u roku od 8 dana održavanje drugog ročišta za javno nadmetanje, ili ako se stvari ne uspiju prodati ni na drugom ročištu za javno nadmetanje.

7. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata. Po uplati cijene Sud će donijeti rješenje o dosudi, a potom i rješenje o namirenju.

8. Na javnom nadmetanju kao kupci mogu učestvovati samo osobe koje su prethodno položile osiguranje koje iznosi 1/10 (jedna desetina) određene vrijednosti pokretnih stvari koje se žele kupiti, s tim da iznos osiguranja ne može preći iznos od 10.000,00 KM

9. Osiguranje se polaže na depozitni račun Općinskog suda u Sarajevu broj 1411965320009639 otvoren kod BBI banka d.d Sarajevo, sa naznakom broja predmeta

10. Ponuđačima čija ponuda ne bude prihvaćena, osim za tri najbolja ponudioca vratit će se položeno osiguranje odmah nakon zaključenja javnog nadmetanja.

11. Od polaganja osiguranja u ovoj izvršnoj stvari oslobođen je tražilac izvršenja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja /neposredne pogodbe, da ima u vidu to da ukoliko treća lica ne obavljate sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

SUDIJA

Diana Dočkal, s.r.

POUKA O PRAVNOM LIJEKU: Protiv ovog zaključka nije dozvoljen pravni lijek.